АЖРИМ

(Даъво аризани кўрмасдан қолдириштўгрисида)

Каттақўрғон тумани

2024 йил 20 март

Каттақўрғон туманлараро иқтисодий суди, судья Ж.Юсуповнинг раислигида, судья ёрдамчиси И.Улжаевни суд мажлиси котиблигида, Пахтачи туман фермер, деҳқон ҳўжалиги ва томорқа ер эгалари кенгаши даъвогар "Мирзаев Шуҳрат Кенжаевич" фермер ҳўжалиги манфаатидажавобгар "Paҳtachi Cluster" масъулияти чекланган жамиятиганисбатан берган даъво аризаси асосида қўзғатилган иқтисодий ишни суд биносида ўтказилган очиқ суд мажлиси муҳокамасида жавобгар вакили Ш.Раҳимов (ишончнома асосида) иштирокида кўриб чиқиб, суд қуйидагиларни

аниклади:

Пахтачи туман фермер, деҳқон ҳўжалиги ва томорқа ер эгалари кенгаши (матнда Кенгаш деб юритилади) "Мирзаев Шуҳрат Кенжаевич" фермер ҳўжалиги (матнда даъвогар деб юритилади) Каттақўрғон туманлараро иқтисодий судга даъво ариза билан мурожаат қилиб, "Paҳtachi Cluster" масъулияти чекланган жамияти (матнда жавобгар деб юритилади) дан жами 283 325 770 сўм ундиришни сўраган.

Даъвогар "Мирзаев Шухрат Кенжаевич" фермер хўжалиги судга ариза билан мурожаат қилиб, Кенгашнинг даъвогар манфаатида жавобгарга нисбатан киритган даъво аризаси бўйича даъводан тўлик воз кечишини маълум килиб, 4-1402-2401/224-сонли иш бўйича иш юритишни тугатишни сўраган.

Суд мажлисига Кенгаш ва даъвогар вакили иштирок этмади.

Суд мажлисида иштирок этган жавобгар вакили даъвогарнинг даъводан воз кечишини инобатга олиб, қонуний қарор чиқаришни сўрашди.

Ўзбекистон Республикаси Иқтисодий процессуал кодекси (матнда ИПК деб юритилади) 107-моддасининг 8-бандига кўра, даъвогарнинг манфаатларини кўзлаб прокурор, давлат органи ва бошқа шахс томонидан тақдим этилган даъводан даъвогар воз кечган бўлса суд даъво аризасини кўрмасдан қолдиради.

Кенгашнинг даъвогар манфаатида берган даъвосидан даъвогарнинг даъводан воз кечганлиги сабабли, суд ИПК 107-моддасининг 8-бандига асосан даъво аризасини кўрмасдан қолдиришни лозим топди.

Ўзбекистон Республикасининг "Давлат божи тўгрисида" ги Қонуни ва Ўзбекистон Республикаси Президентининг 2017 йил 10 октябрдаги ПҚ-3318-сонликарорига кўра Кенгашнинг давлат божи тўловидан озодлигини инобатга олишни ва почта харажатларини зиммасида колдиришни лозим топди

Юқоридагиларга асосан ва Ўзбекистон Республикаси Иқтисодий процессуал кодексининг 107, 118-моддасига ва 195-моддасига асосан суд

ажрим килди:

Пахтачи туман фермер, деҳқон ҳўжалиги ва томорқа ер эгалари кенгаши даъвогар "Мирзаев Шуҳрат Кенжаевич" фермер ҳўжалиги манфаатидажавобгар "Paҳtachi Cluster" масъулияти чекланган жамиятиганисбатан берган даъво аризасикўрмасдан қолдирилсин.

Олдиндан тўлаб чиқилган 34 000 сўм почта харажати даъвогар зиммасида қолдирилсин.

Ажримдан норози бўлган тарафлар Каттақўрғон туманлараро иктисодий суди орқали Самарқанд вилоят судига бир ойлик муддат ичида апелляция тартибида шикоят қилиниши (протест келтириш) мумкин.

Судья

Ж.Юсупов

